


# SPORT PARK A HAYA NUMBER NOBO



ORANJESTAD (AAN): Joe Laveist mes tabata presente na momento cu ASU oficialmente a cambia e nomber di "San Nicolas Sport Park" pa "Josiah (Joe) Laveist Sport Park". Un momento sigur yen di emocion y gratitud pa e bunita honor aki. Ministro Watty Vos tambe tabata presente na e acto aki, y un biaha mas masha pabien. Pa mas detayes lesa pagina 26.



*I have a dream" I have a dream" I have a dream*

# ARUBA SPORT UNIE A DUNA HOMENAHE NA SR. JOSIAH LAVEIST



ORANJESTAD (AAN): Directiva di Aruba Sport Unie(A.S.U.)a duna merito na Sr.Josiah Laveist, cambiando number di San Nicolas Sports Park den "Josiah"Joe"Laveist Sport Park, pa su dedicacion y labor incansable den e stadion aki. ayera mainta durante ceremonia, Sr.Cesar Kipp presidente di A.S.U.kende a elogia e bon trabao semper di Joe, a hiba palabra Sr.Willem Vrolijk parlamentario, cu a bisa cu semper Joe tabata un persona cu a contribui grandemente cu e lugar aki, finalmente Ministro di Justica, Watty Vos den e caso aki remplasando Ministro di Deporte Sra.Lili Beke, a duna un breve historia pa loke Joe a haci pa e lugar, aki dunando diciplina na awe hungadonan cu ta practicando varios deporte, equiponan manera Dodgers, Baby Ruth, San Lucas, Antraco, mi ta pensa riba hungadonan Tenchi Hoftijzer, Ruben Phillips, Ponce Didier y hopi mas, durante e ceremonia, Sra.Tina Peasch,

den number di tur coleganan di A.S.U.a haci entrega di un bunita recuerdo den forma di holoshi, Cesar Kipp presidente di A.S.U.,a entrega Joe un plakaat.

Su number oficial ta Josiah Valentine Laveist, pero den boca di su pueblo cual ta San Nicolas, y pa esunnan cu conoce su number ta "Joe".

"Joe" a nace na St.Maarten parti hulandes dia 29 maart 1918.

"Joe" a hanja su educacion basico na St.Maarten y despues na Sto.Domingo.

Despues di ceremonia e invitadonan por a pasa pafor unda e bordchi a wordu devela pa Joe den presencia di su esposa Viola y famia, Ministro Watty Vos y sra, Cesar Kipp presidente di A.S.U.

A sigui un brindis unda varios persona a saluda y felicita Joe cu e fecha historico aki.

Joe naturalmente no tabatin nada otro di bisa" I have a dream" I Have a dream" I have a dream".

**TELEFONNAN DI DIARIO**  
**26747- FAX 28551**